



杏樹生香蠹化成向人飛下不勝情
寒辭薄翅猶粘粉暖溢柔鬢始弄晴
燕舞盤中嫌露重鳴歌扇底避風輕
春閨未解南華夢乞与滕王為寫生

月舫為袁鍊師賦

老龍吹浪滿江湖雪兔西飛碧落孤
太乙方乘蓮一葉藥仙還倚樹三珠
開窻白露沾瓊佩對酒寒光射玉壺
萬頃秋波看不盡却携靈藥上玄都

送成誼叔應奉分院上京并呈謝敬德學士

太平天子重時巡首詔詞林擢侍臣
書載駝車隨劍珮射從熊館代絲綸
片雲忽送麻姑雨五月方開芍藥春
想得班揚才最賔龍山立馬賦詩頻

東呂仲實左丞

十五年前舊供奉一官自滯越王城
不因左轄翰公道誰向南州進
先生文學是非徒筆削人才輕
重在權衡甘泉奏對歸來晚
猶草封章獻治平

送趙國瑞舍人赴涿州同知

太行雲起亂山青馬上風吹別酒醒
試論文章惟晉國還思典禮在虞廷
賣刀民化耕春雨佐印官清戴曉星
迴首晴霄十萬里大鵬終見徙南溟

送明原道赴南豐判官

日華西轉萬年枝記得甘泉奏賦歸
佩馬新迎州倅節緋魚舊賜從臣衣
詩成江驛梅花瘦酒醒山城蕨菜肥
為謝

南豐舊詩友白鷗春夢繞苔磯

送江西傅興礪赴廣州教授

買得吳船便欲東更騎羸馬別諸公文聲久許江西盛詩律因歸海外工人羨義陽封介子客從秦時薦揚雄
五羊城下南風起茉莉花香荔子紅

彭叔與赴尼山書院長

少年才學動儀曹旋賜朝衣換鵲袍
萬水東歸滄海闊千厓北拱岱山高
杏花壇近蒸紅雪楫木林深漲碧濤
珍重此行多令譽古來齊魯出英豪

寄郡士陶公美

問君生事竟何如亂石溪邊小卜居
止酒久知揮白墮論

詩今喜到黃初天寒門外數株柳歲晚山中一束書賴得
西庄頗相近蒼頭時遣寄雙魚

天寒落葉滿庭草此夕思君正鬱陶百里青山來款段一
庭明月舞豪曹賈生未遇才因大王梁雖窮氣自高何事
相送又相別且燒紅蠟醉春醪

輓侯敬文秀才

客裏青燈二十年手書細字動成編舟舫觸熱方辭館孤
劍橫秋已夢仙山下教椽仍舊屋溪南半頃足新田可憐
鉅鹿侯苞去誰與揚雄論太玄

采石和劉顯仁即事韻

下水春生巴蜀雪上江人駕武昌船晚風天外三弄笛落

日淮南一簇烟斷岫淺莎行獨鶴危磯倒樹立雙鳶絲霞
又報明朝霽瑟；紅光萬縷懸

徐州

白雲天際散如衣四面青山落水涯鑿石空還唐將廟連
峰猶望漢臣旗魚龍浪挾黃樓動牛斗星隨碧漢垂醉倚
船窓問河伯濁流何日是清時

冠州

萬里關山鬢易華冠州橋下御河斜千門烟冷分榆火三
月春寒見杏花新水聚船人趁市順風吹旆容還家莫憐
書劍頻深泊擬學東陵老種瓜

送汪生還江南

澗河水泮水溶、百尺帆開五兩風、戲綵歸人從海工倚
門慈母問遼東、漁罾荻笋灣、綠酒旆桃花處、紅莫向
江南久、留滯龍山、還有北來鴻

送賈舍人赴廣東宣慰司照磨

五月南風起、舳艫番禺、曾曼趙王居、貌貅萬竈新、趨幕虎
豹千門舊、直廬茉莉編籬香、旖旎蔓藤接屋影、扶疎故人
畫諾如、流水報政還、應得最書

代祀還呈太師

丞相傳宣出紫宸、鶯花萬里浙江春、搜書近已擒豺虎、瑞
紀還先慶鳳麟、宇宙經綸歸聖主、山河帶礪屬元臣、幾迴
凝睇雲霄上、夜、三台拱北辰

年來供奉屢遷官、聖主恩同宇宙寬、左部正慚疏吏櫝、西
曹仍許進儒冠、清時有道遭逢易、白髮無才補報難、都上
船頭望江月、天風吹露不勝寒

新州寄馮養素月彥明二都水丞

天子時巡猶非駐、詞臣將命許南行、遠聞都水來新濟、到
說分司在鄆城、玉節遙知連海潤、金函近見報河清、丈夫
莫為離愁惜、要抱文章佐太平

朱仲文編脩還江西諸公分題賦詩為餞予遠同
戴南滯約至楊子橋分別因為賦此

瓜州渡口山如浪、楊子橋頭水似雲、夾岬夫蕞紅旖旎、滿
汀楊柳綠扶疏、一杯酒向今朝別、萬里船從此處分、他日

重來須臾棹莫教驚散白鷗群

邳州和劉顯臣韻

吳船蕩漾一毫輕
楚客飄零萬里情
驟雨挾雲行斷嶂
亂山湧浪入孤城
黃河風起鷗無侶
紫塞春深鴈有程
莫怪仲宣多感慨
朝來白髮鏡中生

晚泊邳州

一帶黃河百折灣
下邳城外更潺湲
烟迷兩嶂疑無地
日落中原喜有山
法重鹽租嚴犯界
官多魚稅倍征關
白頭父老相逢處
猶似圜橋授履還

彭城懷古

戲馬臺前擁旆旌
三齊終破到彭城
項王帳底猶虞舞
漢

祖軍中盡楚聲
百二山河功自葉
八千弟子勢都傾
月明閒卻烏江渡
長使英雄恨不平

崔鎮喜邵少監至

使君五月渡黃河
白髮依然壯志多
且喜掛帆來舊約
何妨釀酒起高歌
船頭北斗五更落
舵尾南風連夜過
自笑驅馳成底事
漪湖閒却釣魚蓑

高郵夜泊

薄暮秦郵聚客船
孤城三面接冰田
戍樓月映高低雪
漁市星搖上下天
千里綠蕪分曙色
萬家紅粟起炊烟
南風忽乞舟人便
幅、蒲帆盡北懸

揚州別幹克莊僉憲

紅日東生綠霞收海風吹客到揚州露分仙掌金盤冷香
動瓊花玉樹秋使者乘驄開大府仙人騎鶴醉高樓朝來
別我垂楊岸珂佩如雲簇水頭

婁家港祠神回寄元臣僉憲子約監郡

函香海上祠神罷獨駕樓舩夜半迴萬里長風催掛席一
天明月阻登臺綉衣人仰邦侯至玉節官分水部來只尺
相望不相見白蘋洲渚重裴回

江陰君山次陸子方韻

畫橋垂柳傍官壕夾岬青山擁雪濤楚相丘墟遺石馬楚
王宮殿壓金鰲天迷鴻鴈江流闊風撼魚龍海氣高此日
登臨無限意古今消盡幾英豪

輓汪尚書妻譙國夫人

尚書謝政江南去特許夫人大國封春日上堂尊酒共歲
時環坐綵衣重離鸞忽奏雲中瑟別鶴還歸隴上松白髮
夫君正愁絕空江何處採夫容

輓王君佐秀才

十里青山定一區平生甘分隱樵漁新詩自寫應求序故
篋常隨為教書杖屨在門人去遠壺觴掛壁客來疏白雲
滿地松陰冷孤鶴時時守墓廬

和楊德章監憲詠物詩

仙子初裁蜀錦裳玉壺清映內家粧一百五日花尚好三
十六宮春正長新綠漸生應帶露舊紅微褪為經霜自從

深院留題後一任東風上下狂 右瓶中百日海棠

仙標厭入錦雲鄉却傲水霜取次芳銀燭高燒遊太液紫
綿初拂侍明光春挽杏蒂微生暈暖漏梅梢欲試粧不是
東君偏耐冷要將風韻入詩囊右冬日海棠

送蜀士史道章訪蕃昌張縣尹

上江船裏枕書看雪浪千堆寄一輪太白山人元蜀學蕃
昌縣令尺儒冠渚花對酒公庭晚沙草憐衣客路寒攜得
琅玕滿歸袖謝公臺在碧雲端

送赴試春官

水落沙痕寄岫齊冬深無雪蔞生泥遙知上馬徐州北且
看開船句水西待詔門開金驪裏榮恩燕賜玉偏提若將

文字追時好萬里雲霄自有梯

送內官棄職買書歸蜀立三賢祠

內官買書三十萬從此聲名天下知正為身輕歸印早不
妨船重到家迎客非杜甫依嚴日人是文翁化蜀時愧我
無由能載酒敲門頻問子雲奇

輓陳公輔縣尹

短衣垂脰寄遺孤自立聲名重里閭座上鼎彝前代器蓬
中經史外家書縣花春老初封印底藥秋慵久廢耒惆悵
水壺清絕處露寒應是泣蟾蜍

峨眉山

霧作衣裳雲作屏玻璃萬頃著娉婷望夫石上偏多雨織

女河邊欲墮星
蟬螿夏涼收淺絳
蟾蜍秋冷抹長青
可憐天際微聲處
六代興亡一夢醒

詠姚氏瑞蓮

雨洗瑤池六月涼
侍兒初試錦雲囊
花開雙鳳迷歌扇
子綴群蜂背蜜房
波淨忽成溪女匹
露寒却笑月娥孀
合歡帳底鴛鴦夢
臂枕猶聯玉雪香

題丁元善鍊師陽明樓

賀老家西百尺樓
好山多處稱仙遊
丹光散作霞千縷
劍氣吹成月一鉤
窗外鶴歸遼海暮
袖中龍起鑑湖秋
道人久直黃金殿
可使歸來雪滿頭

謝李衡上人惠松花湯餅

雲門寺裏青松樹
五月南風花正香
膜粉輕披魚子白
藥珠重綴蜜脾黃
餅和甘露曾分送
湯合仙霞更共嘗
慚愧老僧多意氣
一杯毛骨盡清涼

送國子掌儀魏居仁還山東

京國相逢二十年
當時綠髮盡華顛
升堂獻贄吾居後
立館司儀子在先
夜雨溪聲連客枕
夕陽山色滿歸船
古來齊魯多奇士
側耳聲名起日邊

贈澗上人住涇縣延壽寺

半生辛苦住城西
修竹滿園蔬滿畦
正愛閒雲依疊嶂
忽隨流水度三溪
藤花院靜禪初定
榭葉村深路欲迷
此去莫憐知己少
青山到處好留題

登會稽寶林寺塔

百尺浮圖東海上晴天目力見秋毫莫愁風露衣裳薄且
喜雲霄步武高屋角長松來鶴背城頭荒草落鴻毛闌干
倚遍心猶壯更待持杯酌雪濤

送山陰賈縣尹

公吏呼籌催望衙朝下馬事如麻三年作宦惟飲水萬
里還朝先過家賈傅席前因獻策潘郎縣裏只栽花江船
明日西興渡兩岸青山白鴈斜

和王繼學憲使玉泉觀魚韻

一方寒玉浸冷天上雲開影倒青卓錫黃龍曾聽法撫
闡頽鯉亦通靈明珠碎逐涼風散溫翠空圓月露零此日

使君行樂處一時民俗自清寧

陪僕少監海脩撰飲西湖

十年不到西湖上此日重來意倍親尊酒暫陪天上使画
船猶待水邊人題詩香漬菱花舊度曲聲傳玉樹新歸醉
小樓明月曙開元鐘鼓正朝真

送外兄李學父

鶉鳩涼雨睡偏宜正是敲門下馬時萬里風塵從戍早十
年江海到家遲書持使節真行錦春上菜衣欲繡綠且買
樓船醉雙玉紅蓮白藕滿西池

送醫士張景遠歸太平之黃池

秋塘雨白水平堤有客撐船繫屋西司馬賦多方病渴葛

洪丹黻尚封泥滿階花落惟金鳳開戶香來是木犀昨夜
月明天似水櫓聲不覺過龍谿

劉山驛

開窓坐看千峰頂對酒還思萬里程飛雨遠隨松子落濕
雲近向樹頭生正愁絕壁鳥鸞背忽聽半空鷄犬聲安得
身騎遼海鶴徧遊八極醉吹笙

出大橫道中

朝來數騎嶺頭過忽見青山障白波候吏報來先擊鼓
鮮船至盡吹螺南邊治久烟塵少天上見深雨露多料得
祝釐還報日春風楊柳滿官河

武夷道中

蒼龍飛起崖中斷九曲溪流直上天駕壑舟船遺故物慢
亭簫管會真仙大王巖上雲初散玉女門前月正圓醉裡
擢歌聲未已忽看孤鶴下翩

贈漳南巡檢許以衷

將軍早獻安邊策手挽強弓起七閩正為功名輕萬里已
知勇畧冠千人風鳴鼓角山村曉日射旌旗海戍春匹馬
何時渡江水笑談為國掃妖氛

懷安縣別莊嘉監憲

荔支食罷龍眼熟此日閩南使者過得俸莫嫌三月少買
舟已覺一時多盟鷗狎舞迎歸權別騎驕嘶動佩珂酒醒
青天明月上思君迢迢奈愁何

建寧得宣州家書

江上千戈猶未息，此身何處可偷安。
居民戰死終無援，主將逃生竟被殘。
已報老妻來太末，尚憐孤姪寄長干。
扁舟十日聞溪上，恨不身生兩羽翰。

題樂逸軒

山下長溪，上村溪山如畫。
正當門遠懷詩，就題蕉葉理。
釣船歸繫柳根，問姓不教通郡縣。
買書只許遺兒孫，相望只是柴桑里。
何日從君酒一尊。

題宋仁甫樂山亭

當陽城外碧嵯峨，獨構危亭素若何。
嵐氣漸來蒼角少，水聲偏向石稜多。
青雲鶴慣荊州舞，白雪人傳郢上歌。
何事

近來真得趣，新松十萬在巖阿。

建德城西寺

山門東轉步廊深，長日禪房占綠陰。
松迳雨晴添虎跡，竹潭風冷聽龍吟。
石林久說相如賦，故里徒誇季子金。
獨坐胡床看明月，不知涼露濕衣襟。

蘭溪胡仁中家喜雨

赤日行空勢似焚，老龍一起雨翻盆。
芙蓉葉起水紅侵，岬穉種盈疇綠繞門。
自是風雲當盛會，從知天地有深恩。
朝來驟睡南窓醒，却憶樂陽從至尊。

龍公夜捲天河水，散作虛空風雨聲。
豈獨崇華雷潤澤，要令枯槁遂生成。
藥欄蝶凌晨舞草，岬群蛙徹夜鳴造化。

功神竟無迹披衣默、望前榮

江山縣

萬山深處開孤縣下馬入門風滿庭
兩脚遠垂松澗白雲陰低覆稻田青
已知賣劍人歸野還憶彈琴客在亭
安得寰區皆卓魯最書時復報虞廷

台州留別林希元

三年直閣常懷士萬里乘槎許問津
滄海日華中夜曉赤城霞氣四時春
謝公高卧元非隱陶令歸來豈為貧
白髮清心自多壽更從何處覓仙人

贈天台李鍊師

翠蛟青鳳下晴空家住天台第幾重
歲久松肪成琥珀夜

深丹氣出芙蓉仙童奏簡騎文虎
太乙懸旗起絳龍昨夜從師到天上
故山還著白雲封

題天台方氏山亭

赤城霞氣燭天起四面窻開碧樹涼
山鳥晝啼深竹裏溪魚晚近落花香
蒼苔共酒共仙人飲蛤蜊盤分野老嘗何日
投箸東海去秋風同制芟荷香

過鴈山

王事驅馳敢厭勞秋風白髮氣猶豪
八千餘里行正遠四十九盤山更高
石壁連雲愁鳥道海門飛雪壯鯨濤
同遊賴有孫公子時遣新詩浣鬱陶

建寧道中

雙玉山前溪水流朝來風雨暗灘頭舟穿亂石方停棹驂
傍空巖更近樓江海十年飛野鶴乾坤萬里萬沙鷗七閩
見說多凋弊莫為尊鱸動客愁

延平

樓閣近依山上下市橋橫接岼東西四時雲氣浮孤堞萬
壑泉流會一溪道學已同漁洛盛劍光猶與斗牛齊延平
祠下歸來晚獨對寒燈待曉鷄

蒜嶺道中

溪雲帖々雨沉沉頓覺新寒薄莫侵待渡人歸榕葉岼過
山驂候荔支林清游暫作還鄉客白髮難忘報國心莫
行囊輕似羽一錢元自重千金

泉州驛別太守僕世玉

老夫欲起猶便睡候吏頻催却治行万里烟雲隨驥足五
更風雨雜鷄聲乾坤笑我應無補江海送君倍有情且解
金魚沽別酒洛陽橋下正朝平

賦韶州王太守養老園

手種滿園桃李樹東風披拂爛如霞歌催金縷停鳩杖酒
注銀瓶載鹿車白日青春閒衛戟碧溪流水獲仙家使君
自是吹簫侶不記萑蒲幾度華

漳州

漳南五縣半溪洞狂獠恃險時縱橫巨蛇吞豕出當道猛
虎搏人行近城如何百年漸禮化尚尔兩度煩天兵頑鬼

無知固可悼承宣亦合思庶平

玉泉為宜春黃子中賦

銀河迸落青天上盡作山中風雨聲溪畔碧桃千歲在石
田瑤草四時生雲流空洞潛蛟舞月涌潺湲睡鶴驚繳度
秋高環佩冷瓊仙吹笛過蓬瀛

風淫舟中

白髮飄蕭寄短篷春深盃酒悵曾同落花洲渚鷗迎雨芳
草池塘燕避風烽火此時連海上音書何日到山中故人
別後遙相望夜々空隨斗柄東

送汪仲恭往千山

白月圓々星斗稀夜深船去疾如飛聲傳海角來鴻鴈光

涌潮頭出貝瓏歲晚正當還漢節天寒誰為寄蘇衣夫容
絕頂鏡天祿何日相從跨鶴歸

和千山孫元寶韻

霜落梧桐葉上銀秋來白髮似相親詩工不讓唐人律政
拙空慚漢吏循誰謂度遼能下士自因造掖學驚人吳松
江上夫容老還倚南山佩可紉

和潘叔寬所寄詩韻

一笑行藏似賁須誰知白髮事皆殊蒼龍欲化平津劍老
蚌應還合浦珠蔡女書傳猶四百山公學在未全孤秋來
江海非無志奈此兵塵滿道途
風雨吳江秋漸過別來身世轉蹉跎滿階金鳳落將少傍

水樹鷄生尚多且對清尊歌慷慨莫嫌白髮舞婆娑欲將
功業標銅柱誰是當年馬伏波

感春

會稽東望隔兵塵消息傳來總不真楊柳傍人青眼舊梅
花笑我白頭新一愁風雨三更夢萬里乾坤二月春寂寞
心期誰會得獨支筇竹立江濱

吳景文居廐牡丹盛開飲後有感

韶光天遣屬君家猶是東京第一花金鼎夜寒團絳雪錦
機春暖簇紅霞倚風忽作纏頭舞遊日還將便面遮薄草
闌干同醉倚却憐孤客鬢先華

題朱教授送行詩卷

至正十八年冬余自省府退歸西湖之上郡博
士朱君斗瑞來謁出示京師送行詩一卷讀之
則揭學士嘯丞昔吳大宗師王尚書沂潘司業
迪陳監丞旅胡應奉助劉博士聞馮助教三奇
凡九人去今終二十年皆已凋謝無存者為之
撫卷嘆息因係之詩曰

中朝諸老凋零盡一讀遺詩感慨多萬里還家猶姐豆十
年為客尚干戈秋風東海雲帆舉春水西湖畫舫過此去
太平應有象杏花深處聽絃歌

用謝元功韵贈劉生庸道還錢唐

綠陰門巷燕遲歸白日看書見客稀自是病多便野服豈

因怛僻解朝衣諸生載酒臨滄海獨子開船背落暉有約
重來莫相遠好將編簡究精微

送方舟上人住靈鷲

靈鷲之山出東海小朵飛來不記年佛國夜光珠作闍龍
宮春冷玉為泉浮雲不礙游人履流水還隨釣客船試問
禪師去何處夜來騎虎上西天

巴陵女子韓希孟貞節

尚書子婦魏王孫清白傳家節更文諸將已指南渡主孤
身猶抗北來軍血書夜酒巴陵月烈氣秋橫鄂渚雲欲弔
忠魂無覓處唯應瑤席從湘君

寄謝丞相康里公

海雲飛盡天如水夜々遙瞻北斗高正愧無才叨末座忽
聞有命轉東曹鵬搏已借扶搖力鯨背終成餉運勞白髮
儒生何以報唯應執筆從夔臯

送胡孟然還錢唐并柬周伯溫程以文宇文子貞

老夫移家東海上愛子相從又一春官為閒多知性僻客
因住久見情親諫章行曳尚書履漉酒誰同處士巾此去
故人如問訊一樣將泛越江津

送有亨姪還錢唐

嗣宗諸姪仲容賢客路飄零雪滿顛曾為頌椒苗子美却
鬼戲蠟爇僧虔十年江海三杯酒百里溪山一釣船何日
兵戈得休息敬亭春雨共歸田

錢唐壯觀天下奇昔日繁華曾見之夜月管絃唯鼓角春
風羅綺盡旌旗湖山謾想遊人樂城郭徒增志士悲今日
別離東海上一瓢村酒鬢如絲

題劉生庸道竹林書室圖

劉生讀書竹林下滿耳金石聲琅琅翠陰碎落日當戶綉
帙亂翻風滿床中夜蛟龍神變化清時鸞鳳瑞文章此君
標致誰能寫一幅雲烟墨數行

送朱道夫赴廣西巡檢

將軍慷慨出幽燕又佩刀弓過海邊桂嶺秋回南去鴈溇
江夜泊北來船正憐主印官無事更喜迎親祿有田萬里
若逢天上使好將詩句寄蠻賧

題蘆花被圖

秋深江上白蒙茸野客分來一色同酒醒孤蓬卧明月帳
寒老屋不禁風羽毛乍聚搏空鶴蹤跡真成踏雪鴻夜半
何人吹鐵笛夢魂疑在楚江東

次韵李清叔元夕

絳燭燒烟散滿城九衢車馬似潮聲山河影轉琉璃薄陸
海光浮菡萏平蝶睡誤翻歌扇暖鵲驚疑報畫襜晴夜闌
人靜天如水依舊殘星數點明

贈毛李祥還江南

夫容幙府清如水愛子新來素氣多天近烏臺依執法風
清黃閣聽鳴珂燕山北望千峰盡遼海東迎一騎過刀筆

曾為漢丞相起家應不愧蕭何

貢禮部玩齋集卷之四終

貢禮部玩齋集卷之五

五言絕句

越城馬上

積雨變新綠微風落殘紅
醉騎款段馬日莫越城中

孟浩然畫像

白日何茫茫青春方浩浩
驢背天風來吹我烏紗帽

蘇子瞻畫像

老龍起深夜來聽洞簫聲
酒盡客亦醉滿江空月明

無題

隔樓理絲竹切切動人情
飲酒且莫散坐待新月生

墨竹

歌枕夢江濤蕭湘生晚綠二妃邈何許千里一黃鵠

右風

雙鳳浴瑤池毛羽空翠滴仙人騎上天但見遼海碧

右雨

蒼龍在海上千載蛻神窟忽然凌空飛鱗甲耀白日

石光

文苞解晴日纖粉落輕颯青鸞忽飛起窓戶自瀟灑

右嫩

張伯雨丹房偶題

翠禽立紅桃白鶴步青草与子半日間方見靜中好

寶應舟中見月

天風吹帽落忽見月如弦記得開船夜閭門一鏡懸

題海棠鳴禽圖

孤禽立花上似為不平鳴天地無窮意何人解寫生

龍虎山十詠

巨靈劈山石飛出黃金鷄至今山下人猶聽雲中啼

右金鷄山

長溪走蜿蜒恠石露巖巖孰識背上文世無神禹氏

右石龜渡

戴玉出西域猷琛自南溟仙人一叱之化作青峻嶒

右象山

寶劍落深潭時時見光恠鱗甲飛上天白晝風雨快

右龍井

仙子出海凝冰作肌膚手持青霞佩身坐白玉壺

右觀姑山

天星二十八下作漢廷將功成歸帝傍精彩射石上

右雲臺山

兩龍出行雨下吸幽澗泉噴沫着艸樹明珠爛清圓

右雙瀑澗

大道如流泉三才存一氣誰人鑿呂梁留險在天地

右三石洪

鑄鉄在厓石仰視何嵌空明月照不到白雲出其中

右青石巖

濕翠外盤寒玉中浩不與舅氏同乃有真人號

右白水磔

讀范文正公集和黃山谷韵四首

憂思同禹稷致事期勲華四海無二帝六合當一家
我田宗人田我屋宗人屋百年何所有祠前幾株木
英風凜遺直絕識動樞機既有韓招討當使我公歸
朝議方多異西師猶未班公心如鉄石要在取橫山

七言絕句

龍駒圖

八尺龍駒未破鞍一人牽過萬人看自從夢入將軍筆青
草落花生莫寒

畫松

蒼龍蛻骨東海上太陰黯澹垂高室六丁驅起夜行雨萬里不斷送菜風

明仁殿進講五首

春日君王出殿遲千官簾外立多時觚稜雪轉寒無奈先許儒臣到講帷

黃綾寫本奏經筵正是虞書第二篇聖主從容聽講罷許教由在御床邊

殿前冠佩儼成行玉椀金瓶進早湯自愧平生飯蕪藿朝來得食太官羊

黃金為帶玉為襜劍戟如林衛紫髯也愛儒臣勤講讀向

前輕揭虎皮簾

奏對歸來日已西獨騎瘦馬踏春泥行從海子橋邊過猶望宮城柳色齊

送人歸廬州

淮水春深綠似苔故人天上恰歸來扁舟繫在門前樹猶記行時手自栽

題淵明小像

烏帽青鞋白鹿裘山中甲子自春秋呼童檢點門前柳莫放飛花過石頭

送陳玉樵着書還江西

相如奏賦宜春館子雲待詔承明廬先生有書不蚤獻白

髮如以來公車

去年有詔行馬政一日買驢三百錢莫先江南客徒步獻
書曾到玉除前

江城雨過枇杷熟綠水新生杜若花畫船多載采石酒醉
眼看山直到家

和馬伯庸學士擬古宮詞七首

城上鴉啼曙色催五門三殿一時開玉皇不許群仙見
隱車聲天上來

綠池香水出夫容十二釵寒妬玉蟲只恐禁園今夜雨華
清明日又西風

寶扇微開萬樂從紫衣扶輦出行宮近臣侍罷櫻桃宴更

遣黃門送兩籠

紫雲扶日上盤，花氣薰衣露始乾行處不禁春色惱回
身却倚玉闌干

睡思厭，易入眉繡簾低下燕歸遲黛鬟不整奴梁躡滿
院楊花夢覺時

殿頭昨夜報春殘盡放宮人賞牡丹獨有沉香亭北畔一
枝偏許八姨看

雲影微開日脚垂杏花深院落遊絲不知誰動秋千索驚
起黃鸝過別枝

雙鷹圖

青松之下白石上攬身對立意沉沉，妖狐狡兔莫漫喜落

日一呼烟草深

八月霜風吹羽毛何人為女解金條
雙翎如劍劈雲去宇
宙蒼茫秋氣高

雪羽初來東海頭西風萬里白鵝秋
漢家不校長楊獵因
得將軍脫錦鞬

題出塞圖

六宮如海春如水一入長門見面稀
青草琵琶沙上路淚
痕空濕嫁時衣
沙磧微驚數騎塵漢廷便欲議和親
當時衛霍兵猶在
未必君王棄妾身

題樵漁圖

長松如蓋復如輪袒腹支頤倚樹身
誰謂樵夫避辛若乾
坤許我一閒人
一株烟雨一竿風江海茫茫望眼空
不是渭陽曾遇獵世
間誰復識漁翁

和胡士恭灤陽納鉢即事韻

紫駝峰掛葡萄酒白馬繫懸弓藥花
綉帽宮人傳旨出黃
門伴送內臣家

野闊天垂風露多白翎飛處草如波
鬣奴醉起傾渾脫馬
漣香甜柰樂何

蕎麥花深野韭肥烏桓城下客行稀
健兒掘地得黃鼠日
莫騎羊齋唱歸

新教生駒不受騎
小紅車裏簇歸時
鈎簾醉卧矍
逾月不省人間有別離

野館吹燈夜未央
薄寒偏透越羅裳
出門不記人行路
馬首惟占北斗光

至正十一年秋七月巡按松州虎賁分司時山谷

寒甚分事絕少明日即還為賦此

秋風撼衣綿薄夜雨蕭蕭
燭焰低萬里江南才夢覺此

身元自客遼西

雲葉續紛雪弄花小
營近午却排衙分司御史渾無事又

鞞青聽踏白沙

詠塵

春城花露欲生泥
十二街頭漫飛落
絮遊絲共無賴半

粘香汗半羅衣

題鮮于墨跡

墨花香潤紫毫圓
寫徧湖山忽夢仙
十二樓高明月夜
玉

笙吹鳳下秋天

題吳宗師看雲樓

四面窻開縹緲間
無心飛去又飛還
晚來盡捲西郊雨
却

伴長松老鶴閒

寶應待印少監不至舟遂先行

亂帆如馬出高城
百里平湖半日程
自是南風送南客
何

妨同約不同行

朝發采石莫泊像真舟中望月

萬里滄波一席平
猛風忽變又潮生
今宵共看淮南月
却憶江東昨夜明

赴京留別里中劉李二生

白沙渡口數行酒
采石江頭萬里船
別後相逢定何處
一車行李五門前

發通州

日、鬼歸未有期
及歸翻恨數年遲
開船聽得吳歌起
絕似閶門送別時

贈呂梁老兵

二十年前福建軍
鬢絲垂領眼俱昏
一瓢乞食黃河畔
猶

遣兒孫應戶門

舟泊黃河有收豎
籠稚兔以嬉
因買而釋之
遂作是詩

日晴圓轉褐衣涼
分得山河大地光
今日開籠放生處
乘陰麥穗正茫茫

送王元伯遊金陵并東樊時中却事王德常管勾

山頭老屋一尺雪
江上片帆千里風
笑呼斗酒來濯足
誰識書生逆旅中

閉門十日九風雨
熟睡不知春水生
樹上啼鳥忽驚覺
故人只在石頭城

次成誼叔趙大本二臺都事肅章門聚散詩韵

銀鞍白馬錦障泥
立仗時多出駕稀
別有天閑真汗血
春秋長從六龍飛

題畫

樓閣參差烟水村
涼風榭葉下絲絲
何人理釣秋江上
驚起新來白鴈群

漁父

一輪明月一絲風
吳水西頭楚岫東
日下城中賣魚去
却教鷓鴣守孤蓬

灤河曲

稚髻使來交趾國
索馳車宿李陵臺
遙聞徹夜鈴聲過
知進六宮瓜果迴

白沙岡頭齊下馬
為拾關支八寶鞭
忽見草間長十八
衆人分插帽檐前

水僊

太液池邊雪始乾
曉粧初試佩珊珊
簾鈎欲下東風細
猶夢珠宮扇影寒

十二瑤臺風露寒
銀河澹月團團
龍宮自與塵凡隔
別有銖衣白玉冠

畫蘭

西望沅湘不盡流
紅芽綠葉自生愁
王孫去後無消息
風雨山中日夕秋

題錢舜舉折枝海棠

玉環曉起嬌無力
膩粉微勻酒暈生
不是開元寫遺恨
世間那得見傾城

題山水圖

孤峰直出青天上
亂瀑斜飛白石間
我江湖歸未得何
人解寫敬亭山

重過丹陽寄錢成夫

高荷蠹₃荇田₃數騎來迎野水邊
只為一春頻往復
驟人識得待卸船

青山西去水東流
兩岸飛花送客舟
何事閭門行一月不
能三日到宣州

過許墅廣福寺苗題

幾人飲散閭門外
落日蒲帆獨自開
偶向龍華寺前泊
一株高柳記曾來

龍華寺贈栢庭上人

辛夷花落滿閒庭
藥徑斜依翠栢屏
白日山門無客到
老僧自誦法華經

姑蘇臺

當時何事太情多
不悟危機出苧蘿
一夜月明天似水
吳王臺上越王歌

余過吳中得畫一幅孤峰拔起有類鴈蕩僊都者

因題贈宋居仁

鴈蕩秋深玉柱寒
老夫曾此駐征鞍
開圖一見青山色
猶

似當時馬上看

題恆水園

千年老樹化青牛
風雨空山不盡愁
一日爭迎你神主
踏歌槌鼓水西頭

秋日與陶唐佐游麻姑萬松庵

萬疊青山一徑開
寺門秋雨長苔苔
莫憐此處行人少
還有僧從外國來

遊里中麻姑西觀三首

道人釣簾坐堂上
盡日好山相對青
藥苗當戶渾不理
手持一卷黃庭經
樓閣參差烟樹間
石橋橫截水潺潺
我來欲覓燒丹處
蒼

木黃精正滿山

石上菖蒲水上蓮
一天涼月露涓涓
碧壇夜半燈如雪
猶自朝真北斗前

題玄妙觀嵇月底所藏鍾離像

榭葉為衣草為履
翳鬢雙鬢任風吹
浮雲捲盡青天闊
正是神光夜出時

題番易劉伯方靜觀齋二首

夜來風雨過前村
百尺深溪到底渾
惟有道人心鏡淨
水流花落不開門

五
卷
集
卷
之
三



五
卷
集
卷
之
三

三

三

卷五 七

太陰為峰雪為瀑萬里西來一方玉使君堅對賀蘭圖不
救江南眾山綠

處州弋溪驛

四面青山風雨多石稜轉處掛漁蓑推蓬不記來時路只
見雙、白鳥過

流水一灣山四圍青林黃葉雨霏、竹鷄啼罷人行少忽

玩齋集卷五
有釣船溪上歸

袁莊贈化東庵王道人

夢覺流鶯花外聲一簾疎雨稱幽情披衣步向山門立青
草萋：笋亂生

曲岬西頭屋數椽綠陰深處好移船姓名正恐人知道忽
有野僧來近前

吳淞江上謾興

亂蟲撲面蝙蝠飛木榭飄蕭半掩扉老僧看潮回寺晚林
下惟逢一大歸
白月滿天江水平銀河垂地寂無聲披衣獨坐過夜半撥
刺跳魚時一鳴

門外梧桐高百尺月華依約弄清陰夜深移在窻紗上不
隔鬼家一寸心
露冷草根鳴蟋蟀雨晴花影轉蛸蟊一家四散知何在獨
對林間喜鵲巢

書扇餞徐大章往黃岡

海村四月橘花香日莫牽船出下塘別後莫教音問少蒼
頭時遣送文章

書扇餞潘濟民往黃岡

黃岡只在海東頭野水連天蕩白鷗昨日相逢今日別藕
花深處謾停舟

題朱肅畫



原件短缺

P15

芙蓉冷落渚宮秋
翠蓋紅衣漫不收
猶有雪鵝來上立
夕陽無限遠人愁

書扇錢潘德全往彭坡

潘家兄弟多相識
白面書生氣更豪
一見便還東海去
健帆如馬入雲高

題劉生庸道五莊草堂圖

南北兩峰相對青
萬竿修竹一茅亭
何時共坐西湖雨
白髮篝燈講六經

題朱生質夫所藏梅花圖

水晶簾幙珊瑚鈎
萬玉花間一鏡秋
曉起瀟湘寒凜烈
却疑飛雪在羅浮

夜深瑤女出寒江
分得南枝兩一窻
可是貞姿共清絕
神仙肌骨更無雙

五言排律

上京大宴和樊時中侍御

一元開大統四海會
時髦翫旬色幽蒨
天門啟應臯群黎
皆屬望百辟盡勤勞
蕃國來琛獻邊陲
絕絳騷劍韜龍尾
匣弓屬虎皮縶列
聖尊皇極元臣異
節旄宗盟存帶礪
世胄出英豪歲駕嚴
先蹕居人望左蠡
平沙班詐馬別殿燕
樓毛鳳簇珍珠帽
龍盤錦繡袍扇分
雲母薄屏晃水晶
高馬潼浮犀梳馳
峰落寶刀暖茵攢
芍藥涼甕酌葡萄
舞轉星河影歌騰
陸海濤齊聲絕起
和頓足復分曾
急管催瑤

席繁絃壓紫槽明良真曠遇熙洽喜重遭化類工成治聲
同士赴饗隆恩雖款洽醉舞散呼號拜命崇三錫論功恥
二桃重華躋舜禹盛業繼夔臯燕饗存寅畏游畋戒逸遊
乾坤春拍、宇宙樂陶、爭獻公車頌光榮勝袞褒

輓馬伯庸中丞

世祖投戈日先公出守初邦人懷禮樂家學瞻詩書一舉
登金榜頻年步玉除星移供奉燭風動使臣車忠諫陳典
逸雄文賦子虛群公推雅量多士服清譽太史仍兼制春
官總傳儲槐雲衣纜、華日佩舒、長樂方調膳中臺旋
賜輿尊嚴深翠栢清潤照紅蕖德業真無比恩光孰可如
休官唐殿李知止漢廷疏野曠秋呼鴈江清晚釣魚石田

霜後稻沙圃雨中蔬正尔安民望胡為夢帝居大星離次
舍白壁翳丘墟惟有新詩在千年起歎歎

剪燈聯句

元夕同吳子秀劉子清侯敬文會飲水陽陳善甫家用剪燈聯句云

夜暖拈香繭春寒落剪刀勞心連鬱結貢綺思出長縑點
綴輕蟬翼吳裝拈細鳳毛風花凝瑣碎貢雲葉護周遭影
燦金垂燼侯光融玉作膏舞袖圓落絮劉歌扇逐飛桃帶
轉銀幡小貢輪迴寶蓋高蜘蛛圍露網吳顧兔墮秋毫鶯
擲翻紅雪侯魚跳起碧濤春陽噓蛺蝶劉秋冷蛻蚰蛸翠
薄荷分鈿絲柔柳散條青童來降節玉女翳繡翻碎訝珠

胎逆尖愁燕尾翽微茫縈錯落斜隙漏葡萄飽釜空燒蠟
棚山謾結薰浮塵籠漠漠流水眩滔滔慕綺雅為密裁綃
祇自勞婢娟妬清夜蟬螻落晴臯製異宮人緩榮懷學士
綯未曾分寶炬先許照爛袍劇賞尊頻倒窮搜筆屢操盞
簪嘶騷裏奮袖舞豪曾酒足華筵散詩漸白戰塵時平無
夜禁繁弱且歸殺貢

貢禮部玩齋集卷之五終

